

## 動態新聞



# 荃灣廣場 Photo Festival

## 5 個不可錯過的航拍玩意


桑之拔 七月 23, 2015 01:58



荃灣廣場免費試撞航拍機！即日起至 8 月 31 日，荃灣廣場舉行以航拍為主題的 Photo Festival，ezone.hk 記者現場目測，位於荃灣廣場的 Photo Festival 展覽範圍雖然唔大，但就擺放了 3 架可以俾人坐上去的飛機、另有颶風體驗館俾你親嘗 10 級風力有幾堅、重中之重係可以免費駕駛航拍無人機，免費玩全城熱話航拍機，潮爆！即 check 荃灣廣場 Photo Festival 5 個必玩免費航拍體驗！

### 【01】3 架型到核爆飛機模型

現場擺放 3 架飛機仿照模型，包括以 DJI Phantom 3 Professional 為藍本設計的航拍無人機、現代飛機與及古代飛行腳踏車，可以俾觀眾坐上去 selfie 拍照，現場目測好多細蚊超冧爭住玩！




### 【03】免費試揸航拍無人機

呢個超讚！在場內搭建高逾 11 米的航拍競技場，有 OTG 專業導師指導，俾你試揸 DJI 航拍無人機！周一至周五每天 2 節，周六及周日每天 4 節；每節 1 小時，名額 10 個【[詳情按此](#)】。



### 【04】室內航拍比賽贏現金獎

逾 11 米高航拍競技場當然唔是只用於免費試玩，8 月將在這裡舉行航拍比賽，參賽者須年滿 18 歲，名額 50 個。8 月 2 日舉行初賽，參賽者需要自備航拍器材，在指定時間內拍攝掛在航拍競技場上的指定圖畫，鬥快鬥多鬥靚；決賽更要依照指定圖畫先後次序拍攝，超難！首三名優勝者有現金獎，冠軍有 \$5,000，現金事小，能征服逾 11 米高室內航拍競技場拍攝，留芳百世先勁！



### 【05】Kylin FPV 250 未開賣率先睇

現場展出「率先曝光」Kylin FPV 250 航拍無人機、四槳式設計、將於 8 月在荃灣廣場發售。

